


Bibel fa Kjinja  
brinjt junt



Daniel un  
de Heel  
met Leiws



Jeschräwen von: Edward Hughes

Jemolt von: Jonathan Hay

Toom Pauss jestalt von: Mary-Anne S.

Äwasat von: Ed Zacharias


Hääjestalt von: Bible for Children  
[www.M1914.org](http://www.M1914.org)

©2011 Bible for Children, Inc.

Jesazlich: Du doascht dise Jeschicht oppnämen  
ooda drekjen, soo lang aus du dee nich vekjafst.



Darius wia de niea Kjennich  
en Babel. Hee wia  
een weisa  
Maun.




Hee stald 120 von siene baste Mana  
äwa de Prowinsen en sien Rikj. Dan


stald hee dree  
Mana aun äwa  
de 120.




# Eent von de dree wia Daniel.



De Kjennich Darius hilt väl  
von Daniel. Veleicht wull hee  
am äwa  
daut  
gaunse  
Launt  
stalen.



De aundre Leidasch wieren  
aufjenstich daut Daniel soo goot  
aunjeseenen wia. See wullen am  
met waut beschuldjen  
verem Kjennich.



Eendoont woo see daut proowden,  
dee aundre Leidasch fungen  
kjeenen Fäla aun Daniel.

Daniel wia sea tru to  
däm Kjennich.




Hee vestunt siene Oabeit sea goot,  
un paust emma opp, daut hee daut  
baste deed, waut hee kunn.



De aufjenstje Leidasch kunnen  
sikj blooss eenen  
Wajch denkjen  
toom Daniel  
faust-saten.



See wisten Daniel  
bäd jieda Dach  
to dän Gott,  
dän hee en  
Israel haud  
kjanen  
jelieet.




Nu plonden Daniel siene Fiend, daut  
de Kjennich sull een nieet

Jesaz enfieren,  
daut jieda-eena  
sull blooss Kjennich  
Darius aunbäden.


Wää daut nich  
deed, sull en eene  
Heel met Leiws  
jeschmäten woaren.



Kjennich Darius unjaschreef  
daut niee Jesaz.




Daniel wia daut Jesaz  
eendoont. Hee deed  
wieda waut hee emma  
jedonen haud. Dree  
mol dän Dach, kjneed  
hee bie sien  
opnet Fensta,  
un bäd to  
Gott.




De aufjenstje  
Leidasch  
jinjen  
fuaz däm  
Kjennich  
daut sajen.



Nu must de  
Kjennich  
Daniel  
faust-nämen.  
See musten  
daut Jesaz  
utfieren.



De Kjennich  
wull noch  
daut Jesaz  
endren, oba  
kunn daut  
nich.



Nu must Daniel en de Heel  
jeschmäten, wua de hungaje  
Leiws jehoolen worden.



De Kjennich Darius säd noch to  
Daniel, "Mucht dien Gott dän du  
bestendich deenst,  
die ut dit raden."



Dee Nacht kunn de Kjennich goanich  
schlopen. Tiedich dän näakjsten  
Dach, spood hee sikj no de Heel  
met de Leiws.



Kjennich Darius roopt, "Daniel, dee  
du dän läwendjen Gott deenst, haft  
dien Gott die kunt von de Leiws  
raden?" Wudd doa eene  
Auntwuat sennen  
von enne Heel?  
Jo! Daniel  
auntwuad am.




Daniel  
roopt trigj,  
"O Kjennich,  
Gott schekjt  
sien en Enjel un  
dee hilt de  
Leiws äare  
Fräten  
too.



Mie es  
nuscht  
jeworden, un  
ekj hab jäajen  
die nuscht  
orrajchtet  
jedonen."



De Kjennich freid sikj seal! Hee  
bestald fuaz daut see Daniel  
sullen ut dee Heel  
ruthalpen.




De Kjennich wist  
Gott haud Daniel  
jerat, un daut Daniel  
siene Fiend  
uk Gott  
siene  
Fiend  
wieren.




Dan leet hee dee  
Mana, dee am hauden  
loten daut beese Jesaz  
schriewen,  
en de Heel  
schmieten.  
De Leiws  
freeten  
dee  
opp.



De Kjennich Darius wull de gaunse  
Welt weeten loten, daut de Gott em  
Himmel haud sienen truen Deena,  
Daniel, jerat.



De Kjennich schreef eenen Breef,  
daut aule sullen dän läwendjen Gott  
deenen. Un Daniel wort wada huach  
aunjestalt aus  
een Leida  
äwa aundre.



Daniel un de Heel met Leiws

Eene Jeschicht von en daut Wuat  
Gottes, de Bibel

finjt eenen en

Daniel 6

"Wan dien Wuat openboat woat,  
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.



Wan du dit jleewen kaust, dan saj to Gott:  
Leewa Jesus, ekj jleew daut du Gott best, un  
worscht een Mensch toom fa onse Sind to  
stoawen, un daut du nu wada läfst. Komm en  
mien Läwen un vejeff mie miene Sinden, soo  
daut ekj nu nieet Läwen haben kaun, un noch  
emol opp emma no die kom. Halp mie daut ekj  
die jehuarsom sie, un fa die läw aus dien Kjint.  
Amen.

Lass de Bibel un räd jieda Dach met Gott!  
Joh. 3:16

